



KEMENTERIAN KERJA RAYA
MALAYSIA

KENYATAAN MEDIA

YB BARU BIAN MENYEMPURNAKAN MAJLIS PECAH TANAH SEKOLAH DAIF SK BANDAR BINTANGOR, BINTANGOR, SARAWAK

BINTANGOR, SARAWAK - Hari ini telah berlangsung Majlis Pecah Tanah Sekolah Kebangsaan Bandar Bintangor, Bintangor, Sarawak yang telah disempurnakan oleh Menteri Kerja Raya, Yang Berhormat Tuan Baru Bian. Sekolah Kebangsaan Bandar Bintangor telah terpilih dalam pelaksanaan projek pembangunan semula sekolah daif di bawah peruntukan RM100 juta bagi tahun 2019.

Seperti yang kita sedia maklum, program Sekolah Daif ini merupakan “touch point” kepada rakyat dan diberi penekanan dan perhatian oleh pihak Kerajaan. Ini adalah usaha untuk meningkatkan tahap pendidikan disamping menyediakan kemudahan dan keselesaan kepada guru - guru dan murid - murid sekolah khususnya.

Kementerian Pendidikan Malaysia telah mendapat kelulusan peruntukan sebanyak RM100 juta untuk pembinaan semula dan menaik taraf 32 buah sekolah daif di negeri Sarawak di bawah Peruntukan Pembangunan (DE) tahun 2019. Selain itu, Kementerian Kewangan Malaysia juga telah bersetuju untuk memperuntukkan sebanyak RM350 juta menggunakan peruntukan RM1 bilion (bayaran balik pinjaman) daripada Kerajaan Negeri Sarawak untuk pelaksanaan Pembangunan Sekolah Daif (Fasa 1) bagi 37 buah sekolah di negeri Sarawak.

Dikeluarkan oleh:

Unit Komunikasi Korporat | Kementerian Kerja Raya Malaysia

☎ : 03- 8000 8000 / D.L :03-2771 4616 / 4627 | 📠 : 03-2711 1101

Laman Web : www.kkr.gov.my |  Kementerian Kerja Raya |  @MOWorks |  Pro@kkr.gov.my

Kaedah pembinaan menggunakan teknologi hybrid IBS dan konvensional diaplikasikan dalam pelaksanaan projek ini. Kaedah ini mampu membantu menyiapkan projek dalam tempoh yang lebih singkat kerana komponen binaan dihasilkan dalam persekitaran terkawal, sama ada di tapak atau di luar tapak bina, lebih ringan, mudah dikendalikan dan cepat dipasang.

Projek pembangunan semula sekolah daif bagi Sekolah Kebangsaan Bandar Bintangor ini dijangka siap pada bulan Februari 2020.

**KEMENTERIAN KERJA RAYA
MALAYSIA**

15 SEPTEMBER 2019

2/2

Dikeluarkan oleh:

Unit Komunikasi Korporat | Kementerian Kerja Raya Malaysia

☎ : 03- 8000 8000 / D.L :03-2771 4616 / 4627 | 📠 : 03-2711 1101

Laman Web : www.kkr.gov.my |  Kementerian Kerja Raya |  @MOWorks |  Pro@kk.gov.my